

## 阿毗達磨法蘊足論卷第五

尊者大目乾連造

三藏法師玄奘奉 詔譯

## 神足品第八之餘

心三摩地勝行成就神足者：云何心？云何三摩地？云何勝行？而名心三摩地勝行，成就神足耶？此中心者：謂依出家、遠離所生善法，所起心意識，是名心。三摩地者：謂心增上所起，心住等住，近住安住，不散不亂，攝止等持，心一境性，是名三摩地。勝者：謂心增上，所起八支聖道，是名勝。勝行者：謂有苾芻，依過去心，得三摩地，是謂心三摩地；彼成就心三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。如依過去心，依未來現在善、不善、無記，欲界繫、色界繫、無色界繫，學、無學，非學、非無學，見所斷、脩所斷，非所斷心，廣說亦爾。復

有苾芻於諸善法住下羸劣弱極弱心，彼作是念：我今不應於諸善法住下羸劣弱極弱心，然我理應於諸善法安住不下，不羸、不劣、不弱、不極弱心，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。復有苾芻，生起惡心，彼作是念：我今不應生起惡心，然我理應斷除惡心，脩集善心，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。復有苾芻，生起貪瞋癡俱行惡心，彼作是念：我今不應生起貪瞋癡俱行惡心，然我理應斷除貪瞋癡俱行惡心，脩集無貪、無瞋、無癡，俱行善心，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名

心三摩地勝行成就神足。復有苾芻，生起不離貪瞋癡惡心，彼作是念：我今不應生起不離貪瞋癡惡心，然我理應斷除不離貪瞋癡惡心，脩集離貪瞋癡善心，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。復有苾芻，於諸善法安住不下，乃至不極弱心，彼作是念：我於善法安住不下，乃至不極弱心，甚爲應理，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。復有苾芻，生起無貪、無瞋、無癡，俱行善心，甚爲應理，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。復有苾芻，生起離貪瞋癡善心，彼作是念：我今生起離貪瞋癡善心，甚爲應理，彼由此心增上力故，得三摩地，是謂心三摩地；彼成就心三摩地已，爲令已生惡不善法斷故，起欲廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說心三摩地，總名心三摩地勝行，成就神足。一切心三摩地，皆從心起，是心所集，是心種類，是心所生，故名心三摩地勝行成就神足。

觀三摩地勝行成就神足者，云何觀？云何三摩地？云何勝？云何勝行？而名觀三摩地勝行，成就神足耶？此中觀者，謂依出家、遠離所生善法所起，於法簡擇、極簡擇、最極簡擇，解了、等了、近了，機點通達，審察聰叡，覺明慧行，毗鉢舍那，是名觀。三摩地者，謂觀增上所起，心住等住，近住安住，不散不亂，攝止等持，心一境性，是名三摩地。勝者：

謂觀增上所起八支聖道，是名勝。勝行者，謂有苾芻，依過去觀，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。如依過去觀，依未來現在善、不善、無記、欲界繫、色界繫、無色界繫，學、無學、非學、非無學，見所斷、修所斷、非所斷觀，廣說亦爾。復有苾芻，於諸善法，住不審觀，彼作是念：我今不應於諸善法住不審觀，然我理應於諸善法安住審觀。彼由此觀增上力故，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。復有苾芻，生起惡觀，彼作是念：我今不應生起惡觀，然我理應斷除惡觀；脩集善觀，彼由此觀增上力故，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神

足。復有苾芻，生起貪瞋癡俱行惡觀，彼作是念：我今不應生起貪瞋癡俱行惡觀，然我理應斷除貪瞋癡俱行惡觀，脩集無貪、無瞋、無癡，俱行善觀，彼由此觀增上力故，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。復有苾芻，生起不離貪瞋癡惡觀，彼作是念：我今不應生起不離貪瞋癡惡觀，然我理應斷除不離貪瞋癡惡觀，脩集離貪瞋癡善觀，彼由此觀增上力故，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。復有苾芻，於諸善法，安住審觀，彼作是念：我於善法，安住審觀，甚爲應理，彼由此觀增上力故，得三摩地，是謂觀三摩地；彼成就觀三摩地已，爲令已生惡不善法斷故，起欲、廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神

足。復有苾芻，生起善觀，彼作是念：我今生起如是善觀，甚爲應理，彼由此觀增上力，故得三摩地，是謂觀三摩地；彼成就觀三摩地已，爲令已生惡不善法斷故，起欲，廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。復有苾芻，生起無貪、無瞋、俱行善觀，彼作是念：我今生起無貪、無瞋、無癡，俱行善觀，甚爲應理，彼由此觀增上力，故得三摩地，是謂觀三摩地；彼成就觀三摩地已，爲令已生惡不善法斷故，起欲，廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。復有苾芻，生起離貪、離癡善觀，彼作是念：我今生起離貪、離癡善觀，甚爲應理，彼由此觀增上力，故得三摩地，是謂觀三摩地；彼成就觀三摩地已，爲令已生惡不善法斷故，起欲，廣說乃至爲令已生善法堅住，乃至持心；彼所有欲，若勤、若信，乃至若捨，是名勝行。卽此勝行，及前所說觀三摩地，總名觀三摩地勝行，成就神足。一切觀三摩地，皆從觀起，是觀所集，是觀種類，是觀所生，故名觀三摩地勝行，成就神足。

云何此四，名爲神足？此中神者，謂所有神，已有神性，當有神性，今有神性，彼法卽是變一爲多，變多爲一，或顯或隱，智見所變；牆壁石等，堅厚障物，身過無礙，如履虛空；能於地中，或出或沒，自在無碍，如身處水；能於堅障，或在虛空，引水令流，如依迴地；結跏趺坐，凌空往還，都無滯碍，猶如飛鳥；此日月輪，有大神用，具大威德，伸手捫摸，如自應器，不以爲難，乃至梵世，轉變自在，妙用難測，故名爲神。此中足者，謂於彼法，精勤脩習，無間無斷，至成就位，能起彼法，能爲彼依，故名爲足。復次：此四勝定，亦名爲神，亦名爲足，用難測故，能爲勝德所依處故。復次：四神足者，是假建立，名想言說，謂爲神足，過殫伽沙佛及弟子，皆共施設如是名故。復次：四神足者，卽前所說欲、勤、心、觀、四三摩地勝行成就，總名神足。

### 念住品第九之一

一時，薄伽梵，在室羅筏，住逝多林，給孤獨園。爾時世尊告苾芻衆：吾當爲汝畧說脩習四念住法。謂有苾芻，於此內身，住循身觀，若具正勤、正知、正念，除世貪憂；於彼外身，住循身觀，若具正勤、正知、正念，除世貪憂；於內外身，住循身觀，若具正勤、正知、正

念除世貪憂；於內外俱受心法三，廣說亦爾，是現脩習四念住法。過去未來苾芻，脩習四念住法，應知亦爾。云何於此內身住循身觀？若具正勤、正知、正念，除世貪憂。內身者：謂自身，若在現相續中，已得不失。於此內身循身觀者：謂有苾芻，於此內身，從足至頂，隨其處所，觀察思維，種種不淨，穢惡充滿，謂此身中，唯有種種髮毛、爪齒、塵垢、皮肉、筋脈、骨髓、髀腎、心肺、肝膽、腸胃、肪膏、腦膜、膿血、肚脂、淚汗、涕唾、生熟二藏、大小便利，如是思維不淨相時，所起於法簡擇，極簡擇，最極簡擇，解了、等了、近了、機黠、通達、審察、聰叡、覺明、慧行，毗鉢舍那，是循內身觀，亦名身念住；成就此觀，現行隨行，遍行遍隨行，動轉解行，說名爲住。彼觀行者，能發起勤精進，勇健勢猛，熾盛難制，勵意不息，復能於此急疾迅速，名具正勤。彼觀行者，能起於法簡擇，乃至毗鉢舍那，復能於此所起勝慧，轉成上品、上勝、上極，能圓滿、極圓滿，名具正知。彼觀行者，具念、隨念、專念、憶念，不忘、不失、不遺、不漏，不失法性，心明記性，名具正念。於諸欲境，諸貪等貪，執藏防護堅著，愛樂迷悶，耽嗜遍耽嗜，內縛稀求，耽湏苦集，貪類貪生，總名爲貪。順憂受觸，所起心憂，不平等受，感受所攝，總名爲憂。彼觀行者，修此觀時，於世所起

貪憂二法，能斷能遍知，遠離、極遠離，調伏、極調伏，隱沒除滅，是故說彼除世貪憂。復有苾芻，於此內身，觀察思維，諸界差別，謂此身中，唯有種種地界、水界、火界、風界、空界、識界，如是思惟諸界相時，所起於法簡擇，乃至毗鉢舍那，是循內身觀，亦名身念住。住具正勤、正知、正念，除世貪憂，皆如前說。復有苾芻，於此內身，觀察思維，多諸過患，謂此身者，如病如癰，如箭惱害，無常苦空，非我動轉，勞疲羸篤，是失壞法；迅速不停，衰朽非恆，不可保信，是變壞法；如是思惟身過患時，所起於法簡擇，乃至毗鉢舍那，是循內身觀，亦名身念住。住具正勤、正知、正念，除世貪憂，亦如前說。云何於彼外身住循身觀？若具正勤、正知、正念，除世貪憂。外身者：謂自身，若在現相續中，未得已失，及他有情所有身相。於彼外身循身觀者：謂有苾芻，於他身內，從足至頂，隨其處所，觀察思維，種種不淨，穢惡充滿，謂彼身中，唯有種種髮毛、爪齒，廣說乃至大小便利，如是思惟不淨相時，所起於法簡擇，乃至毗鉢舍那，是循外身觀，亦名身念住。住具正勤、正知、正念，除世貪憂，亦如前說。復有苾芻，於他身內，觀察思維，諸界差別，謂彼身中，唯有種種地界、水界、火界、風界、空界、識界，如是思惟諸界相時，所起於法簡

擇。乃至毗鉢舍那，是循外身觀，亦名身念住。住具正勤，正知、正念，除世貪憂，亦如前說。復有苾芻，於他身內，觀察思惟多諸過患，謂彼身者，如病如癰，廣說乃至是變壞法，如是思惟身過患時，所起於法簡擇，乃至毗鉢舍那，是循外身觀，亦名身念住。住具正勤、正知、正念，除世貪憂，亦如前說。云何於內外身，住循身觀？若具正勤、正知、正念，除世貪憂，內身者，謂自身，若在現相續中，已得不失；外身者，謂自身，若在現相續中，未得已失，及他有情所有身相，合說二種，名內外身。於內外身循身觀者，謂有苾芻，合自身，總爲一聚，從足至頂，隨其處所，觀察思惟種種不淨、穢惡、充滿，謂此彼身，唯有種種髮毛爪齒，廣說乃至大小便利，如是思惟不淨相時，所起於法簡擇，乃至毗鉢舍那，是循內外身觀，亦名身念住。住具正勤、正知、正念，除世貪憂，亦如前說。復有苾芻，合自身，總爲一聚，觀察思惟諸界差別，謂此彼身，唯有種種地界、水界、火界、風界、空界、識界，如是思惟諸界相時，所起於法簡擇，乃至毗鉢舍那，是循內外身觀，亦名身念住。住具正勤、正知、正念，除世貪憂，亦如前說。復有苾芻，合自身，總爲一聚，觀察思惟多諸過患，謂此彼身，如病如癰，廣說乃至是變壞法，如是思惟身

過患時，所起於法簡擇，乃至毗鉢舍那，是循內外身觀，亦名身念住。住具正勤、正知、正念，除世貪憂，亦如前說。云何於此內受，住循受觀？若具正勤、正知、正念，除世貪憂，內受者，謂自受，若在現相續中，已得不失。於此內受，住循受觀者，謂有苾芻，於此內受，觀察思惟內受諸相，受樂受時，如實知我受樂受，受苦受時，如實知我受苦受，受不苦不樂受時，如實知我受不苦不樂受；受樂受時，如實知我受樂受，受苦受時，如實知我受苦受，受不苦不樂受；受樂身受時，如實知我受樂身受，受苦身受時，如實知我受苦身受，受不苦不樂身受時，如實知我受不苦不樂身受；受樂心受時，如實知我受樂心受，受苦心受時，如實知我受苦心受，受不苦不樂心受時，如實知我受不苦不樂心受；受樂有味受時，如實知我受樂有味受，受苦有味受時，如實知我受苦有味受，受不苦不樂有味受；受樂無味受時，如實知我受樂無味受，受苦無味受時，如實知我受苦無味受，受不苦不樂無味受時，如實知我受不苦不樂無味受；受樂耽嗜依受時，如實知我受樂耽嗜依受，受苦耽嗜依受時，如實知我受苦耽嗜依受，受不苦不樂耽嗜依受時，如實知我受不苦不樂耽嗜依受；受樂出離依受時，如實知我受樂出離依受，受苦出離依受時，

如實知我受苦出離依受，受不苦不樂出離依受時，如實知我受不苦不樂出離依受；如是思惟內受相時，所起於法簡擇，乃至毗鉢舍那，是循內受觀，亦名受念住，成就此觀現行隨行，乃至解行，說名爲住。彼觀行者，能發起勤精進，乃至復能於此，急疾迅速，名具正勤。彼觀行者，能起於法簡擇，乃至能圓滿、極圓滿，名具正知。彼觀行者，具念隨念，乃至心明記性，名具正念。於諸欲境，諸貪等貪，乃至貪類貪生，總名爲貪。順憂受觸，所起心憂，不平等受，感受所攝，總名爲憂。彼觀行者，修此觀時，於世所起貪憂二法，能斷，能遍知，乃至隱沒除滅，是故說彼除世貪憂。復有苾芻，於內諸受，觀察思惟，多諸過患，謂此諸受，如病如癰，廣說乃至是變壞法，如是思惟受過患時，所起於法簡擇，乃至毗鉢舍那，是循內受觀，亦名受念住，住具正勤、正知、正念，除世貪憂。外受者，謂自受，若在現相續中，未得已失，及他有情所有諸受，合說二種，名內外受。於內外受，循受觀者，謂有苾芻，合自他受，總爲一聚，觀察思惟自他受相，受樂受時，如實知受樂受，受苦受時，如實知受苦受，受不苦不樂受時，如實知受不苦不樂受時，如實知受不苦不樂受；廣說乃至受樂出離依受時，如實知受樂出離依受，受苦出離依受時，如實知受苦出離依受，受不苦不樂出離依受時，如實知受不苦不樂出離依受，如是思惟諸受相時，所有於法簡擇，乃至毗鉢舍那，是循內外受觀，亦名受念住，住具正勤、正知、正念，除世貪憂，亦如前說。復有苾芻，合

知彼受樂出離依受，受苦出離依受時，如實知彼受苦出離依受，受不苦不樂出離依受時，如實知彼受不苦不樂出離依受；如是思惟外受相時，所起於法簡擇，乃至毗鉢舍那，是循外受觀，亦名受念住，住具正勤、正知、正念，除世貪憂，亦如前說。復有苾芻，於外諸受，觀察思惟，多諸過患，謂彼諸受，如病如癰，廣說乃至是變壞法，如是思惟受過患時，所起於法簡擇，乃至毗鉢舍那，是循外受觀，亦名受念住，住具正勤、正知、正念，除世貪憂，亦如前說。云何於內外受，住循受觀，若具正勤、正知、正念，除世貪憂？內受者，謂自受，若在現相續中，已得不失；外受者，謂自受，若在現相續中，未得已失，及他有情所有諸受，合說二種，名內外受。於內外受，循受觀者，謂有苾芻，合自他受，總爲一聚，觀察思惟自他受相，受樂受時，如實知受樂受，受苦受時，如實知受苦受，受不苦不樂受時，如實知受不苦不樂受時，如實知受不苦不樂受；廣說乃至受樂出離依受時，如實知受樂出離依受，受苦出離依受時，如實知受苦出離依受，受不苦不樂出離依受時，如實知受不苦不樂出離依受，如是思惟諸受相時，所有於法簡擇，乃至毗鉢舍那，是循內外受觀，亦名受念住，住具正勤、正知、正念，除世貪憂，亦如前說。復有苾芻，合

自他受，總爲一聚，觀察思惟諸受過患，謂此彼受，如病如癱，廣說乃至是變壞法，如是思惟受過患時，所起於法簡擇，乃至毗鉢舍那，是循內外受觀，亦名受念住，住具正勤、正知、正念，除世貪憂，亦如前說。云何於此內心，住循心觀，若具正勤、正知、正念，除世貪憂，內心者，謂自心，若在現相續中，已得不失。於此內心，循心觀者，謂有苾芻，於此內心，觀察思惟內心諸相，於內有貪心，如實知是內有貪心，於內離貪心，如實知是內離貪心；於內有瞋心，如實知是內有瞋心，於內離瞋心，如實知是內離瞋心；於內有癡心，如實知是內有癡心，於內離癡心，如實知是內離癡心；於內聚心，如實知是內聚心，於內散心，如實知是內散心；於內沈心，如實知是內沈心，於內策心，如實知是內策心；於內小心，如實知是內小心，於內大心，如實知是內大心；於內掉心，如實知是內掉心，於內不掉心，如實知是內不掉心；於內不靜心，如實知是內不靜心，於內靜心，如實知是內靜心；於內不定心，如實知是內不定心，於內定心，如實知是內定心；於內不修心，如實知是內不修心，於內修心，如實知是內修心；於內不解脫心，如實知是內不脫心，於內解脫心，如實知是內解脫心；如是思惟內心相

時，所有於法簡擇，乃至毗鉢舍那，是循內心觀，亦名心念住，成就此觀，現行隨行，乃至解行，說名爲住。彼觀行者，能發起勤精進，乃至復能於此急疾迅速，名具正勤。彼觀行者，能起於法簡擇，乃至能圓滿、極圓滿，名具正知。彼觀行者，具念隨念，乃至心明記性，名具正念。於諸欲境，諸貪等貪，乃至貪類貪生，總名爲貪。順憂受觸，所起心憂，不平等受，感受所攝，總名爲憂。彼觀行者，修此觀時，於世所起貪憂二法，能斷，能遍知，乃至隱沒滅除，是故說彼除世貪憂。復有苾芻，於內諸心，觀察思惟，多諸過患，謂此心者，如病如癱，廣說乃至是變壞法，如是思維心過患時，所起於法簡擇，乃至毗鉢舍那，是循內心觀，亦名心念住，住具正勤、正知、正念，除世貪憂，皆如前說。云何於彼外心，住循心觀，若具正勤、正知、正念，除世貪憂，外心者，謂自心，若在現相續中，未得已失，及他有情所有諸心。於彼外心，循心觀者，謂有苾芻，於他諸心，觀察思惟外心諸相，於外有貪心，如實知是外有貪心，廣說乃至於外解脫心，如實知是外解脫心，如實思惟外心相時，所起於法簡擇，乃至毗鉢舍那，是循外心觀，亦名心念住，住具正勤、正知、正念，除世貪憂，亦如前說。復有苾芻，於外諸心，觀察思惟，多諸過患，



謂彼心者，如病如癰，廣說乃至是變壞法，如是思惟心過患時，所起於法簡擇，乃至毗鉢舍那，是循外心觀，亦名心念住，住具正勤、正知、正念，除世貪憂，亦如前說。云何於內外心，住循心觀，若具正勤、正知、正念，除世貪憂，內心者，謂自心，若在現相續中，已得不失；外心者，謂自心，若在現相續中，未得已失，及他有情所有諸心，合此二種，名內外心。於內外心循心觀者，謂有苾芻，合自他心，總爲一聚，觀察思惟自他心相，於有貪心，如實知是有貪心，廣說乃至於解脫心，如實知是解脫心，如是思惟諸心相時，所有於法簡擇，乃至毗鉢舍那，是循內外心觀，亦名心念住，住具正勤、正知、正念，除世貪憂，亦如前說。復有苾芻，合自他心，總爲一聚，觀察思惟，多諸過患，謂此彼心，如病如癰，廣說乃至是變壞法，如是思惟心過患時，所起於法簡擇，乃至毗鉢舍那，是循內外心觀，亦名心念住，住具正勤、正知、正念，除世貪憂，亦如前說。

一切有部法蘊足論卷第五